

CARTA,

Que el Illmô. y Rmô. Sr. D. Fr. Julian Garcés,
de el Orden de Predicadores, primer Obispo de
Tlaxcala, escribió á la Santidad de Paulo III.

Sanctissimo D. N. Paulo III. Pontifici maximo Fr. Julianus Garcés Ordinis Prædicatorum, Episcopus primus Tlaxcalensis in Nova Hispania Indiarum Cæsaris Caroli salutem sempiternam dicit.

QUÆ circa novellum gregem Ecclesiæ Sanctæ aggregatum, tibi (Beatissime Pater) acquisitum noverim, declarare non pigebit, quatenus exultare valeat spiritus tuus in Domino salutari; & ne prologi longa enarratione tibi præcipue, qui tot, ac tantis totius Orbis negotijs providere debes, fastidium generem, rem ipsam in Valvis aggredior. Nulla sunt obstinatione orthodoxæ fidei infesti, aut pervicaces (ut Judæi, & Mahometani) Indorum parvuli; Christianorum Decreta non hauriunt modò, sed exhauriunt, at veluti ehibunt; citius hi, & alacrius articulorum fidei seriem, & consuetas Orationes, quam Hispanorum Infantes ediscunt, & tenent quidquid à nostris tradditur; aluntur intra Monasteriorum ambitum per suas classes, & contubernia, per scholas, & doctrivia, ex ditioribus trecenteni, quadrigenteni, quingenteni, & sic de singulis ordinatim secundum magnitudinem Civitatum, & oppidorum; non clamosi, non jurgiosi, non litigiosi, non inquieti, non discoli, non tumidi, non injuriosi; placidi, pavidi, disciplinati, ad Magistros obtemperatissimi, obsequio-

quiosi ad sodales; non querulosi, non mordaces, non contumeliosi, omni prorsus vitio (quo nostrates pueruli scatent) liberi.

Secundum quodd illa ætas patitur ad liberalitatem propensissimi utrum uni, vel multis des, nihil interest, quia quod uni datum est, singulis impariendum curant; parsimonia mirabili, non bibaculi, non gulosi, ingenita, & velut innata modestia, ac disciplina; siquidem videre est eos ordinate, seriatimque incendentes, seu sedere, seu stare jubeantur, seu flexis poplitibus prosterni ad pulvinaria; præter suum *Tlacualli* (sic enim communem escam appellant) post panem, seu *Tlaxcali* nihil obnoxie flagitant; habent enim, & nostrates fructus omnes, id est, quorum semina ab Hispania allata sunt (tanta est terræ feracitas, ac fæcundia) habent, & suos fructus. Jam verò ingenij docilitas supra modum seu cantare jubeas, seu legere, scribere, pingere, fingere, ceteraque id genus, liberalium artium, & aliarum ad rudimenta omnia perspicaces, & acutissimi, intellectus dexteritate singulari, quod præter Cœli clementiam, ac temperiem (ut sèpè mihi animo revolventi occurrit) præstat mira in cibo simplicitas, ac parsimonia.

Cum intra Monasteria fratrum ad disciplinam arceantur, nulla à majoribus querimonia, quæstiōne sit, quod inæquali disparitate tractentur, quod severius castigentur, quod à pedagogis tardius ad domos dimittantur, quod aequalibus inæqualia, aut imparibus paria demandentur officia; contradicit nemo, nullus objurgat, sed Parentum Cura, ac Solertia ad id tendit, ut quam eruditissimus in Christianismo suis natus evadat. Jam verò Ecclesiasticus Cantus, seu Organicus, seu armonicus, seu rhythmicus, absolutissimè ab eis perdisceatur, ita ut extranei musici non magnopere desiderentur. Qui in campo pugiles exercebantur, campestrati vocabantur (teste Augustino) quia femoralibus eorum pudenda velabantur; quæ campestria dicebantur, & Perizomata in Literis Sacris, Indis *Tomaxtli* dicuntur; apud quos tanta Cura, & verecun-

diæ observatio, ut in publicum etiam tantilli infantuli (de Mexico loquor) sine Tomaxili, id est, Subligari, prodeat nemo.

Nunc contra eos, quos de Indigenis male sensisse compemus, dicendum erit refellendo vanissimam opinionem illorum, qui eos incapaces insimulant, inculpantque, atque ex Ecclesiæ gremio abjiciendos asseverant. *Prædicare* (ait Dominus) *Evangelium omni creaturæ; qui crediderit, &c.* de hominibus plane loquebatur, non de brutis, nullam excipiens gentem, nullam nationem excludens, quippe in reti Evangelico omne piscium genus iconclausuris Apostolis, quibus prædixerat: *Faciam vos Piscatores bonum;* nam quod dicit: *Elegerant bonos, malos foras miserunt.* Non de hac militantis, sed de illa triumphantis Ecclesiæ pescatione loquebatur, quando segregabat Oves ab hædis; unde in pescatione Petri ante passionem retia rumpabantur præ multitudine piscium, etiam naviculæ pene mergebantur, sed post resurrectionem (ait Joannes) cum tanti essent, non est ruptum rete, quia de pescatione triumphantis loquebatur Ecclesiæ; multi enim retia militantis Ecclesiæ pisces implent, rumpunt, & egrediuntur, sive hæresibus, sive pravis moribus, qui triumphantis retia non intrabunt: Unde de pescatione post resurrectionem Dominicam numerum determinatum apposuit piscium; quia *novit Dominus, qui sunt ejus* (ait Apostolus) quia hæc retia multi exituri intrant, illa nullus egressurus intrabit.

Lauda Hierusalem Dominum (ait Psalmista) quia confortavit seras portarum tuarum, benedixit filijs tuis in te; & ne putaremus in Cœlum tantum centum quinquaginta tres, id est, beatorum animas, mysticè usque ad decem, & septem ab uno ascendo, ac intermedios numerando, is numerus surgit: *Centum quinquaginta tres,* quia decem Præceptorum observatores, & septenarij numeri in Donis Spiritus Sancti perceptores tantum intrabunt, quia multi sunt vocati, pauci verò eleeti: Restat igitur, ut nulli

apertum, quod vidi Joannes in Apocalypsi ostium, claudamus, quia ille, qui habet clavem David, qui aperit, & nemo claudit, solus novit numerum electorum in felicitate superna: Nulli ergo hominum, qui ex fide spontanea petat Baptismum, Ecclesiæ est porta claudenda juxta Augustini Sermonem 15. de verbis Apostoli, Ciprianum super hac re citantis: Nullum ergo retrahat quæso ab hoc opere falsa talium assertio, qui diabolici instigati suggestionibus incapaces religionis nostræ asserunt Indos istos.

Hæc certè vox Satanica est, & dolentis Dæmonis suum subversum iri cultum, ac ex avarissimorum Christianorum fauibus erumpens; quorum tanta est cupiditas, ut sitim ejus explore volentes, rationabiles creaturas, ad Dei Imaginem factas, bestias, & jumenta esse contendant, nullo alio fine, nisi ut quibus illarum cura commissa est, nulla sit liberandi eas è rabidissimis manibus cupiditatis suæ, quin potius illarum obsequio uti pro arbitrio permitant. *Quis enim tam impudenti animo, ac perficata fronte incapaces fidei asserere audet, quos mechanicarum artium capacissimos intuemur, ac quos etiam ad ministerium Nostrorum redactos, bonæ indolis, fideles, & solerter experimur?*

Etsi quando (Beatissime Pater) tua Sanctitas aliquem religiosum Virum in hanc declinare sententiam audierit, et si eximia integritate vitæ, vel dignitate fulgere videatur is, non ideo quicquam illi hæc in res praestet Authoritatis, sed eundem parum, aut nihil insudasse in illorum conversione certocertius arbitretur, ac in eorum addiscenda lingua, aut investigandis ingenij parum studuisse perpendat; nam qui in his charitate christiana laborarunt, non frustrè in eos jactare retia charitatis affirmant; illi verò, qui soliditudini dediti, aut ignavia præpediti neminem ad Christi cultum sua industria reduxerunt, ne inculpari possint quod inutiles fuerint, quod propriæ negligentiae vitium est, id infidelium imbecilitati adscribunt, veramque suam desidiam falsæ incapacitatis im-

positione defendunt, ac non minorem culpam in excusatione commitunt, quam erat illa, à qua liberari conantur.

Lædit namque summè istud hominum genus talia afferentium hanc Indorum miserrimam turbam, nam aliquos religiosos retrahunt ne ad eosdem in fide instruendos proficiscantur; quamobrem non nulli Hispanorum, qui ad illos debellandum accedunt, horum frati judicio, illos negligere, perdere, ac mactare opinari solent non esse flagitium: Unde apparet, quod hoc Satan, ille humani generis hostis in lucis Angelum transfiguratus, invenit, ut gentium illarum differendo fidem, sibi exhibitum cultum conservet. Nunc vero de horum sigillatim hominum ingenio, quos vidimus ab hinc decennio, quo ego in Patria conversatus eorum potui perspicere mores, ac ingenia perscrutari, testificans coram te (Beatissime Pater, qui Christi in terris Vicarium agis) quod vidi, quod audivi, & manus nostræ contrectaverunt de his progenitis ab Ecclesia per qualemcumque ministerium meum in verbo vitæ, quod singula singulis referendo, id est, paribus paria, Rationis optimæ compotes sunt, & integri sensus, & capit is; sed insuper nostratis pueri istorum, & vigore spiritus, & sensuum vivacitate dexteriori, in omni agibili, & intelligibili præstantiores reperiuntur.

De majoribus, quod barbara feritate, ac crudelitate ultra humanum modum fuerint, audivi, utpote antropophagi, id est, humonorum carnium voratores, truces, ac cruenti; sed quanto crueldiores, & immaniores fuere, tanto acceptius Deo holocaustum offeretur, si bene convertantur; cuius pars maxima nos sumus, si tales erga eos extiterimus verbo, & exemplo, manu, lingua, quales eos nobis, si in similem casum incidissemus, voluissemus habere. Lucifacere animas eorum laboremus, pro quibus Christus fudit Sanguinem. Barbariem eis, & Idololatriam objicimus, quasi meliores habuerimus Patres nostros, à quibus ductamus originem, quousque Beatus Jacobus Apostolus eisdem prædicavit, eosque ad fidei cul-

cultum convertit ex pessimis optimos reddens; unde tot Clarissima Martyrum, Doctorum, & Virginum luminal emicuerunt, quos hic longum esset, & non necessarium recensere. Quis dubitat durante saeculo multos ex his Sanctissimos futuros, & omni virtute conspicuos? Nunquid Sertorio apud Hispanias res agente submissa est Cerva, quæ fatidica putaretur? Ecce Cervam, id est, brutum animal, Hispani Prophetam, id est: Fatidicam, ac Deam adorabant. Feritas Hispanorum quondam tanta erat, ut Silius Italicus, ex Italica, Bethicæ Civitate oriundus, dicat de majoribus suis *Eulogium* (*) inclytum.

*Prodiga gens animi, & properare facilima morte;
Nam ubique transcendit florentes Viribus annos.
Impatiens ævi spernens venisse senectam,
Et fati modus in dextra est.*

Virius ille, quem teste Faustipo (de gentilitate loquor) Hispania habuit clarissimum Ducem, pastor erat armentarius; at post Christianismum suscepimus cum fide veram nobilitatem hereditatem possidemus tot milites, tot Duces præclarissimos, quibus, & Roma Imperatoribus usi, mirum in modum crevit, ac in id, quod de ea audivimus, proiecta est. Si tam inculta, & veribus errorum obsita Hispania ante Apostolorum prædicationem, postea tales fructus sive in saeculo, sive in Ecclesia parturivit, quales futuros nunquam ante credidissent, quia bæc mutatio dexteræ excelsi dent mihi tales pro eodem Omnipotentis Dei, ac Domini liberatoris cunctorum auxilio, favore, & patrocinio, mirabilem fortasse Indorum populum in hoc novo Mundo reperto futurum: Nunquid (ait Esaias) abbreviata est manus Domini, ut salvare nequeat?

H
Quo
(*) *Eulogium*: id est, bene dictum: vel bonum dictum: seu bonus sermo.

Quo tempore Sertorius in Hispania apud semiferos homines Romanorum Dux erat, literas Hispani, & Græcas, & Latinas noverant ab his nationibus subjugati; verum tamen est quod si Hispania proprias Vires agnovisset (ait Frogus) nunquam Romanis Colla dedisset; literas ergo Hispani didicerant, nec eorum linguis minus callebant, & semibarbari adhuc erant: Quid minus si miselli isti in extremo terrarum margine constituti, nullo cultorum hominum commercio, nullas usque hodie literas asequunti, belluarum instar essent, nullum animal habentes pro vectura, ipsi, aselli bipedes, omnia ruri, domique vectitarent, nulla exteriorum hominum notitia, nullo cultu, aut victu, aut vestitu, alijsque humanae vite ornamentiis prædicti, nullo literarum commercio, nullo vehiculorum, aut navigiorum usu, inculti essent, ac penè barbari! Si omnibus ijs prædicti Hispani tales prisco tempore extitere, quid de his desperandum, cùm de nobis à nostris minimè desperatum sit, cùm in ea regione tam illustres Viri evaserint in utroque homine? *Ecce sic benedicetur omnis homo, qui timet Dominum,* ait Psalmista, & sequitur: *Et videas filios filiorum,* qui sunt homines Novi Mundi indigenæ, qui sive, & virtutibus eos, quorum sunt ministerio ad fidem conversi, forte superaturi sunt; & quoniam eos penitus literas non didicisse prædixerim, palinodiam cano, pingebant enim, non scribebant, id est, non literis, sed imaginibus utebantur, si quid absentibus seu tempore, seu loco, memorabile vellent significare; quod & Lucanus insinuat in haec verba. *Phœnices primi, fame si creditur, ausi Mansuram rudibus vocem figuris. Nondum flumineas Memphis contexere biblos. Noverat, & Saxis tantum volvresque, feræque, Sculptaque servabant Magicas animalia linguas.*

Nunc vero tanta est ingenij eorum felicitas (de pueris loquor)

ut & Latinè, & Hispanè scribant nostris pueris elegantius; Latinè sciant, atque loquantur non minus, quam nostri, qui se ejus rei studio dedidere; Confessiones ab eis fiunt, quæ vel maximè novellis in Ecclesia difficultatem afferunt, & arduitatem præferunt, ubi fides præcipuum locum tenet, cùm secreta cordis extrinsecus revolentur, ac alteri pandantur lapsus humani; & peccata non minori perspicuitate, ac veritate, quam à Christianis natu (ne dicam propensiōri) declarant in Confessionibus, earumque frequentia gaudent; imò aliqua, vel minus enucleata, vel à Confessoribus forsam non intellecta, quæ semel confessi sunt, examissim repeterē spontanè non verentur columbina sane simplicitate; itaque quoad Confessiones apud illos totus annus habetur, ut quadragesima inter nos, disciplinas ordinarias, & à pueris, id est, flagella, non modò renuentes, sed & ultrò suscipientes clam tempore, & loco, ultra communes, quæ fiunt in die Veneris Sancta, & omnibus sextis ferijs anni; quodque adhuc difficilius existimatur à nostris (qui nec in abjiciendis quidem concubinis dicto pareant Prælatorum) tanta facilitate uxorum pluralitatem abjicant, quas in Paganismo habuerunt, unicaque contenti, ut miraculi instar sit.

Furta, quorum consuetudo (de parvulis loquor) genti innata est, apertissimè pro Confessione accusant; non restitutionem recusant, aut procrastinant, construunt Ecclesias magnas, quas armis regijs adornant, & Conventus fratrum Protectorum suorum, & domos devotarum mulierum ab Imperatrice Domina Elisabeth missarum, quibus bono animo dant suas filias, sicut fratribus filios, ut ex ipsis quantocuyus Sancta Ecclesia augeatur; cùm indigent aqua, ad fratres cum oblationibus veniunt, processiones petunt; idem similiter faciunt pro pueris infirmis, petentes Evangelium sibi dici, & manus sacras super ipsis imponi; cùm infans nascitur, ad Sacramentum Baptismi suscipiendum à Patre, vel Matre portatur, & quandò moritur, ad fratres concurrunt, ut sepe-